



Peqqissutsimut Naalakkersuisoq

Medlem af Naalakkersuisut for Sundhed

Inatsisartunut ilaasortaq

Anda Uldum,

maani

Lactrase-p allattorsimaffimmut H-mut, tassalu Kalaallit Nunaanni nakorsaait allagartalersinnagit pisiassat akuerineqartut allattorsimaffiat, ilanngunneqarnissaanut Naalakkersuisut qanoq isumaqarnerat pillugu Naalakkersuisunut apeqqutip allakkatigut akineqarnera

Dato: 29. september
2009

J.nr.

Inatsisartunut ilaasortap apeqquteqarneranut qujavunga kingusinaartumillu akissuteqarnera ajuusaarutigalugu, tamannalu pissuteqarpoq Lactrase nioqqutissanut sorlernut ilaanersoq, taamalu akuutissap nunatsinnut eqqunneqarnissaanut malittarisassat suut malinneqassanersut paasiniarneqaqqaarmat.

Postboks 1160

3900 Nuuk

Oq/tel +299 34 50 00

Fax +299 32 55 05

Apeqquteqarnermut tunngavilersuutaasoq tassaavoq: "Nalunngisatsitut immuk peqqinnartuuvoq, Calciummimik pissarsiffiulluuartarmat, taannami uagut inuit saanit-sinnut ineriartortitsissutissatut pisariaqartippaput. Inuilli ilaannut immuttoq ilu-arusunnarpallaarneq ajorpoq. Inuit taakku immummik imaluunniit Laktosemik (mælkesukkerimik) sapigaqartuusinnaapput. Mælkesukkerimik (laktosemik) sapigaqar-neq timminermik kinguneqartarpoq, pissutigalugu mælkesukkerit aqajaqqukut inalukkallu sulluatigut arrortinneqarsinnaangimmata. Taamaattumik mælkesukkeri inalukkat sulluanni qappiulertarpoq, naarlunermillu, timminermillu pullattoorner-millu kinguneqartitsisarlu".

pn@gh.glwww.nanoq.gl/pn

Naalakkersuisut ilisimalluinnarpaat peqqissuunissatsinnut nerisassat peqqinnartut qanoq pingaaruteqartiginersut, kissaatigaarpullu nerisassanut peqqinnartunut ajor-nanngitsumik pissarsisinnaanissamut sapinngisarput malillugu tapersersuinissar-put. Tassani aamma pineqarpoq nerisassanik peqqinnartunik iluaalliulernata neri-sinnaanissarput.

Imummik sapigaqarneq tassaavoq Lactrase-mik ikiorserneqarsinnaangitsoq. Taamaammatt akissutigineqartumi matumani Lactrase-p imaluunniit nakorsaatis-sat enzymimik lactase-mik akoqartut allat pingaaruteqarneri pingaarnertut sammi-neqassapput. Lactrase nerisassanut akuutissatut atorneqartarpoq imaluunniit inun-nit mælkesukkerimik (lactose), inalukkami laktase-mik amigaaqarneq pissutigalu-gu nerinissamik sapigaqartunut iisartakkatut iineqartarluni. Lactase-p laktose suk-kunut aggortarpaa inalukkamit saperneqarunnaarsillugu.

Naalungiarsuit tamarmik enzymi laktase pilersissinnaasarpaat mælkesukkerillu ag-gorlugit, piginnaanerli taanna meeraaraanerup kingorna innuttaasut ilarpassuisa ta-makkiisumik ilaannakortumilluunniit pigiunnaartarpaat. Erseqqissumik ilisima-

neqanngilaq innuttaasut qanoq amelatigisut mælkesukkerimik sapigaqartuunersut, kisiannili ilimanarpoq innuttaasut 30 %-iisa missaat enzymimik pilersitsisinnaasannigitsut taamaalillutillu immummik sapigaqarlutik.

Lactrase tassaavoq nioqutissiaq laktase-mik akoqartoq, taannalu Danmarkimi nakorsaataarniarfinni tuniarneqartarpoq. Lactrase Finlandimi nioqutissiarneqartarpoq Biolac-ilu (www.biolac.se) aqqutigalugu tuniarneqartarluni. Nakorsaatissaq akuutissiatut enzymitut EU-mi aamma Fødevarestyrelsen i Danmark-imi akuerisaavoq. Naak nakorsaatissaq nakorsaataarniarfinni tuniarneqaraluartoq nakorsaatitut allagartalersinnagu pisiassatut nalunaarsorneqanngilaq akuutissiatulli nalunaarsugaalluni. Danmarkimi tamanna "Bekendtgørelsen om tilsætningsstoffer til fødevarer", § 21, aamma nalunaarummut tassunga Bilag 6 malillugit akuerisaavoq. Akuersissut tunniunneqartinnagu nioqutissamik eqqussisoq nalunaarut naapertorlugu akuutissap navianarsinnaaneraniq naliliisimassaaq, nioqutissiornissamut akuerineqarsimassaaq annertussusiliinissamullu kaammattuummik nassui-aasinnaassalluni.

Akuutissiani piumasarineqarneq ajorpoq taakku sunniutaannik uppernarsaasarnissaq, kisianni Lactase isumaqarfiginarpoq inunni mælkesukkerimik nalinginnaasumik sapigaqartuni ajunngitsumik sunniuteqartartoq. Lactrase Sverigemi Finlandimilu ukiut 15-it missaanni atorineqarsimavoq Danmarkimilu ukiuni 5-ni.

Nioqutissiortoq malillugu nioqutissiap Danmarkimi nakorsaataarniarfinnit tuniarneqarneranut pissutaasoq tassaavoq nioqutissiap atorineqarnissaanut ilitsersuisoqartarnissaa pisariaqarsorineqarmat.

Lactrase EU-mit akuerisaammat taassuminnga eqqussuimajunnartoq nakorsaatissap maanga eqqunneqarnissaa pillugu Inuussutissarsiornermut Suliffeqarnermullu Naalakkersuisoqarfimmut qinnuteqarsinnaavoq. Naalakkersuisoqarfiup akuersissut taanna tunniussinnaavaa EU-mut eqqussuinissamut akuersissummut uppernarsaat naapertorlugu. Tamatuminnga eqqussuinissamut akuersissummi erseqqissaatigineqassaaq akuersissut atorunnaarsinneqassasoq EU-mi atorunnaarsinneqarpat.

Inussiarnersumik inuulluaqqusillunga

Agathe Fontain

Peqqissutsimut Naalakkersuisoq